



Claudii Fleurii Abbatis Historia Ecclesiastica

Ab anno Christi 1562 usque ad annum 1563

Fleury, Claude

August. Vind. [u.a.], 1771

VD18 9011860X

§. 74. Depensius suam opinionem retractare a Facultate jussus.

[urn:nbn:de:hbz:466:1-66641](#)

§. LXXIV.

Sæcul.XVI.
A.C. 1562.*Depensius suam opinionem retractare
a Facultate jussus.*

Postquam Demouchius hunc articulum *Argentre l.c.*
præsentibus cunctis Doctoribus præ- p. 333.

legerat, Depensius respondit, articulum hunc esse conferendum cum suo scripto, quod tradidisset, cum illum non satis conformem esse censeret. Interposita hac petitione secessit, ut Doctores magis libere desuper deliberare possent: itaque Facultas decrevit, Depensium ad professionem subscribendam non esse admittendum, nisi prius suam de sacris imaginibus opinionem revo- casset.

Verum Cardinalis Lotharingius hunc Virum plurimi habebat, eumque Anno Domini millesimo quingentesimo quinquagesimo quinto sui Romam versus itineris socium selegit, quapropter, priusquam Tridentum cum eo proficisceretur, hanc controversiam sopiri desiderabat, statuens, ut in quodam congressu Facultatis Decanus Depensium hortaretur, quatenus componeret quemdam librum *de veneratione Sanctorum imagi- num*, ut hac ratione saltem pusillorum scandalum inde exortum tolleret, simulque decimo sexto Facultatis articulo contra novas hæreses subscriberet, pa-

A a a 5 lamque

Sæcul. XVI lamque profiteretur, quod pietatem spiraret, coram Christi crucifixi, Beatisimæ Virginis, & Sanctorum imaginibus genua flectere, hacque ratione Christum, Sanctosque invocare: ea propter die sexta Augusti eadem Facultas habitu conventu circa propositam sopiendæ litis viam deliberabat, Doctoribus unanimi suffragio decernentibus, ut Depensiū, absens tamen, interrogaretur, an approbaret, aut reprobaret præfatum Scriptum de imaginibus in eadem Facultate a Domino Demouchy prælectum in congregatiōne superiori de eodem negotio celebrata, quod quidem Scriptum dictus Depensiū dicebat sibi datum a Christianissima Regina matre deferendum ad Dominos Deputatos Facultatis Theologicæ, qui Christianissimi Regis jussu missi erant ab eadem Facultate ad Sanctum Germanum a Laya.

§. LXXV.
Lotharingius Cardinalis hanc controversiam decidendi auctoritatem sibi arrogans.

Argentre*i.e.* **C**ardinalis Lotharingius nulla habita ratione ad illud scriptum, quod Depensiū a se emanatum negabat, Parisiis statuit, ut præfatus Doctor presentibus Decano, ceterisque Doctoribus in publico Facultatis conventu quam-